





T2512/4233(1)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940

25







重刻皇王大紀

序

漢和

論道之書與記事之詞義一也而體

二自六經以降諸子各以所長著書

雖醜駁異詣闕淺殊致然其附經而

作欲於道術有所發明羽翼則均也

古者列國皆有史後世因之雖時有

升降才有長短詞有工拙然歷代興

皇王大紀

皇王大紀

序

漢和

漢和

漢和

漢和

漢和

皇王大紀

張照

亡善敗之故得有所攷不至遺佚廢
墜則不可誣也惟夫治方術者托空
文以垂世其深切著明既不能盡如
見諸行事而史氏記繁志寡是非頗
謬於聖人少所折衷遂使千載而下
謂道不必貫于事事不必出于道性
命道德之學不為開物成務之具而

論世者徒循其已然之迹為失得其
於氣數人事之間挽回斡旋之際不
能深推其故而盡其理此其失蓋非
淺尠而已也漢董氏有言道之大原
出於天天不變則道不變嗟乎皇帝
王伯之邇推與春夏秋冬之循環何
異冬未嘗不春而桓文以後王道遂

息英君誼辟繼踵而作而經國持世
終不能有出於伯術之上然則道安
在其為不變耶蓋昔者吾仲尼嘗慮
及此矣其因魯史作春秋拯人心於
既溺析天理於渺茫微言大義蓋明
示後世以挽伯為王之機如所謂變
齊變魯也者而豈徒刪舊史之冊書

定五伯之功罪云乎哉董氏向者所
陳蓋有關於仲尼之微意仲舒以來
惟宋胡氏為得其指故仁仲氏稱我
先人作傳上稽天道下察人事以承
先聖之志而開大君為仁之方洵有
味乎其言之也胡子之所謂仁儻即
董氏之所謂道者非耶於是胡子復

推廣先志為皇王大紀一書上溯三
皇下逮五季次六經而還其舊總百
家而黜其誕蓋合道與事而無二統
經與史而為一而成書者也嗚呼備
矣其自序所謂人仁則生生則乾坤
正而萬物亨大極不立則三才不備
事不貫物不成蓋胡子作書之志如

此讀大紀者能以是求之則可與論
世矣是書在宋止刻漕治近時傳者
益少余入閩始得之諸生馬欵為重
校云

皇明萬曆辛亥歲季冬月朔高安陳
邦瞻書



皇王大紀序

天道保合而太極立氤氲升降而二氣分天成位乎
上地成位乎下而人生於其中故人也者父乾母坤
保茲天命生生不窮者也天始萬物日月星辰施其
性地生萬物水火金木運其氣人主萬物仁義禮智
行其道君長陪貳由道以紀綱人生而理其性然後
庶績熙萬物遂地平天成而人道立三皇五帝三王
五伯者人之英傑爲君爲長率其陪貳應時成物如
春之生夏之長秋之利冬之貞也自堯而上六闕逢
無紀堯之初載甲辰迄於赧王乙巳二千有三十年



天運之盛衰一周人事之治亂備矣萬世不能易其道者也後人欲稽養生理性之法則舍皇帝王伯之事何適哉嗚呼聖人作書契以記事之情明心之用自皇帝墳典至於孔子春秋法度文章盈天下七雄諸侯棄禮縱欲竊去害已之籍逮秦呂政窮欲極凶遂公行焚禁孔子八世孫鮒雖以藏經爲已任然亡秦之暴烈於猛火藏之甚秘禁未解而鮒死漢興數葉然後出於孔子屋壁壞爛漫滅經是以僅存而不完若夫史傳則莫爲之主追記錄於雜識多聞之事或出於好事者之胷臆故有甚悖於理害於事者歷

世老師宿儒或循習而不悟或存置而不察或偏倚而不該後生蒙苟不知取正於道大道之爲百家裂也久矣我先人上稽天運下察人事述孔子承先聖之志作春秋傳爲大君開爲仁之方深切著明配天無極者也愚承先人之業輒不自量研精經典泛觀史傳致大荒於兩離齊萬古於一息根源開闢之微茫究竟亂亡之徵驗事有近似古先而實惟誕鄙悖者則裁之削之事有近似後世而不害於道義者咸會而著之庶幾皇帝王伯之事可以本始百世諸史乎諸家載紀所謂史也史之有經猶身之肢體有脉

絡也易詩書春秋所謂經也經之有史猶身之脉絡有肢體也肢體具脉絡存孰能得其生乎夫生之者仁也人仁則生矣生則天地交泰乾坤正禮樂作而萬物俱生矣是故萬物成於性者也萬事貫於理者也萬化者一體之所變也萬世者一息之所累也若太極不立則三才不備人情橫放事不貫物不成變化不興而天命不幾於息乎愚是以將求友於天下與之合堂同席而舍焉又與之接袂比肩而進焉不得於今必得於後此皇王大紀之所以書也有宋紹興重光作噩夏四月朔安定胡宏序

皇王大紀目錄

第一卷

三皇紀

盤古氏

地皇氏

有巢氏

五帝紀

帝太昊包犧氏

栗陸氏

栢皇氏

天皇氏

人皇氏

燧人氏

驪連氏

中央氏

大庭氏



赫胥氏

尊盧氏

啓統氏

一作混
沌氏

吳英氏

朱襄氏

葛天氏

陰康氏

無懷氏

凡十三氏皆
祖包犧氏

炎帝神農氏

第二卷

五帝紀

黃帝軒轅氏

青陽少昊氏

顓頊高陽氏

帝嚳高辛氏

第三卷

五帝紀

帝堯陶唐氏

第四卷

五帝紀

帝舜有虞氏

第五卷

三王紀

夏大禹

啓

太康

仲康

相

第六卷

三王紀

少康

槐

泄

扃

孔甲

發

商成湯

第七卷

季杼

芒

不降

塵

皐

桀

三王紀

成湯

太甲

第八卷

三王紀

太甲

太庚

雍巳

仲丁

河亶甲

祖辛

沃丁

小甲

太戊

外壬

祖乙

沃甲

祖丁

南庚

陽甲

盤庚

小辛

帝乙或作小乙

第九卷

三王紀

武丁

祖庚

祖甲

廩辛

庚丁

武乙

太丁

帝乙

第十卷

三王紀

紂

第十一卷

三王紀

周武王

第十二卷

三王紀

武王

第十三卷

三王紀

武王

第十四卷

三王紀

成王

第十五卷

三王紀

成王

第十六卷

三王紀

成王

第十七卷

三王紀

成王

第十八卷

三王紀

成王

第十九卷

三王紀

成王

第二十卷

三王紀

成王

第二十一卷

三王紀

康王

第二十二卷

三王紀

康王

第二十三卷

三王紀

康王

第二十四卷

三王紀

康王

第二十五卷

三王紀

康王

第二十六卷

三王紀

康王

第二十七卷

三王紀

康王

第二十八卷

三王紀

康王

穆王

懿王

第二十九卷

三王紀

昭王

恭王

孝王

夷王

厲王

第三十卷

三王紀

宣王

第三十一卷

三王紀

幽王

第三十二卷

三王紀

幽王

平王

第三十三卷

三王紀

平王

桓王

第三十四卷

三王紀

桓王

第三十五卷

三王紀

桓王

第三十六卷

三王紀

桓王

莊王

第三十七卷

三王紀

莊王

第三十八卷

三王紀

釐王

惠王

第三十九卷

三王紀

惠王

第四十卷

三王紀

惠王

第四十一卷

三王紀

襄王

第四十二卷

三王紀

襄王

第四十三卷

三王紀

襄王

第四十四卷

三王紀

襄王

第四十五卷

三王紀

襄王

頃王

第四十六卷

三王紀

匡王

第四十七卷

三王紀

定王

第四十八卷

三王紀

定王

第四十九卷

三王紀

定王

第五十卷

三王紀

簡王

第五十一卷

三王紀

簡王

第五十二卷

三王紀

靈王

第五十三卷

三王紀

靈王

第五十四卷

三王紀

靈王

第五十五卷

三王紀

靈王

景王

第五十六卷

三王紀

景王

第五十七卷

三王紀

景王

第五十八卷

三王紀

景王

第五十九卷

三王紀

景王

敬王

第六十卷

三王紀

敬王

第六十一卷

三王紀

敬王

第六十二卷

三王紀

敬王

第六十三卷

三王紀

敬王

第六十四卷

三王紀

敬王

第六十五卷

三王紀

敬王

第六十六卷

三王紀

敬王

第六十七卷

三王紀

敬王

第六十八卷

三王紀

敬王

第六十九卷

三王紀

敬王

第七十卷

三王紀

元王

考王

第七十一卷

三王紀

安王

第七十二卷

烈王

貞王

威烈王

三王紀

顯王

第七十三卷

三王紀

顯王

第七十四卷

三王紀

顯王

第七十五卷

三王紀

顯王

慎靚王

赧王

第七十六卷

三王紀

赧王

第七十七卷

三王紀

赧王

第七十八卷

三王紀

赧王

第七十九卷

三王紀

赧王

第八十卷

三王紀

赧王

皇王大紀目錄畢

皇王大紀卷第一

三皇紀

盤古氏

太和涵動靜之性一動一靜交天地之道也動則為

陽陽極則陰生一陰一陽交天之用也靜則為柔柔

極則剛生一剛一柔交地之用也動之大者為太陽

太剛小者為少陽少剛靜之大者為太陰太柔小者

為少陰少柔太陽為日太陰為月少陽為星少陰為

辰日月星辰交天之體也

金木生於水土石之
際故不數金木也

日月

星辰為寒暑晝夜暑寒晝夜交天之變也變乎情性



哈佛大學漢和
圖書館藏印

形體者也水火石土爲雨風露雷雨風露雷雨風露雷交地之
化也化乎飛走草木者也本乎天者分陰分陽本乎
地者分柔分剛陰伏陽而形質生陽伏陰而情性生
陽生陰陰生陽陽剋陰陰剋陽陽之不可伏者不見
于地陰之不可剋者不見于天得天氣者動得地氣
者靜陽之類圓成形則方陰之類方成象則圓陽得
陰而爲雨陰得陽而爲風剛得柔而爲雲柔得剛而
爲雷雨生于水露生于土雷生于石電生于火雷與
風同爲陽之極故有電必有風陽交乎陰而生蹄角
之類剛交乎柔而生根荻之類陰交乎陽而生羽翼
之類柔交乎剛而生枝幹之類天交於地地交於天
故有羽而走者足而騰者草而木者木而草者此物
之所以萬也人也者暑寒晝夜無不變雨風露雷無
不化情性形體無不感飛走草木無不應所以目善
萬物之色耳善萬物之聲鼻善萬物之氣口善萬物
之味而爲萬物之靈也盤古氏生於大荒莫知其始
仰觀天倪俯察地軸明天地之道達陰陽之變爲三
才首君於是宇宙光輝而混茫開矣

論曰鴻荒文明天行也鴻荒之世結繩而治
理則昭然其事不可詳矣世傳天地之初如

鷄子盤古氏以身變化天地日月山河草木
於其中所謂訛失其真而盤姓爲萬姓之先
則不可沒者也

天皇氏

陰陽常和而太極立太極常存而天命行得陽之多
者爲天得陰之多者爲地天變時而地應物時則陰
變而陽應物則陽變而陰應時可逆知物必順成陽
逆而陰隨陰逆而陽順故有變必有應變於內者應
於外變於外者應於內變於下者應於上變於上者
應於下天變而日應之故變者從天而應者法日也

是以在天則日紀于星月會于辰在地則水生于土
火潛于石在物則飛者棲木走者依草在人則心聯
于肺膽屬于肝本一氣也生則爲陽消則爲陰自下
而上謂之升自上而下謂之降升者生也降者消也
陽生於下陰生於上是以萬物皆反生也陰生陽陽
生陰陰復生陽陽復生陰陰爲陽之母陽爲陰之父
陽得陰而生陰得陽而成陽者道之用陰者道之體
陽用陰陰用陽以陽爲用則尊陰以陰爲用則尊陽
陽不能獨立必待陰而後生陰不能自見必待陽而
後見陽以陰爲基陰以陽爲倡夫陰雖對陽爲二然

陽來則生陽去則死天地萬物生死于陽則歸之于

一也天皇氏之先與乾曜合元君有五期輔有三名

三五曆紀歲在攝提一姓十二頭十二一人也零陵山中民俗至今謂一

人為頭闕逢甲旃蒙乙柔兆丙彊圉丁著雍戊屠維巳

上章庚重光辛玄黓壬昭陽癸十干也因敦子赤奮

若丑攝提格寅單闕卯執徐辰大荒落巳敦牂午協

洽未涒灘申作噩酉閹茂戌大淵獻亥十二支也

論曰世傳羲農黃帝之書謂之三墳少昊顓頊高辛唐虞之書謂之五典孔子討論墳典斷自唐虞上世文書簡邃經三季而失其傳

不可得而論次故也今去孔子又遠矣乃欲始於古初不亦過乎吁因秦焚書後世競傳

古先事紛亂怪誕迷誤後生無所考正其有能不悖於理者可不采拾乎其有顯然謬妄

背義而傷道者可不剪削乎其有誣罔聖人者可不明辯乎或謂有欲正人心息邪說之

志愚敢僭孟軻氏之名乎哉攷其事窮其理以自正而已

地皇氏

天曰皇天地曰后土天圓而地方天有四時春三月

皇正天紀

卷一

四

照

曰蒼天夏三月曰昊天秋三月曰旻天冬三月曰上天
地有四方方有嶽東曰皞天西曰成天南曰白天
北曰玄天東南曰暘天西南曰朱天西北曰幽天東
北曰易天或作鸞中央曰鈞天東方曰岱嶽西方曰華
嶽南方曰衡嶽北方曰恒嶽中央曰嵩嶽天南高而
北下是以望之如倚蓋焉地東南下而西北高是以
東南多水西北多山也天之陽在東南日月居之地
之陽在西北土石處之海之潮汐陰陽盈虛升降之
候也所以應月者天道左旋日月右轉日入則晚潮
生於左日出則早潮生於右月近於日則潮小月遠
於日則潮大陰陽盛衰之義也陽主羸陰主虛故天
之南全見而北全不見陽侵陰陰侵陽故東西各半
見天之陽在南而陰在北地之陰在南而陽在北人
之陽在上而陰在下既交則陽下而陰上地皇氏一
姓十二頭定星辰分晝夜以三十日爲月朔以十一
月爲冬至

人皇氏

天有八象地有八象合天地而生人合父母而生子
而人有十六象天主用地主體體必交而後生故陽
與剛交而生心肺陽與柔交而生肝膽剛與陽交而

生脾胃柔與陰交而生腎與膀胱肺生骨肝生肉胃
生髓膀胱生血心生目膽生耳脾生鼻腎生口日爲
心心藏神辰爲腎腎藏精星爲脾脾藏魂月爲膽膽
藏魄火爲胃石爲肺土爲肝水爲膀胱府故胃受物
而化之傳氣爲肺傳血爲肝而傳水穀爲脾腸天之
神棲於日人之神發于日人之神寤則棲於心寐則
棲於腎所以象天地之晝夜也神統於心氣統於腎
魂隨氣而變焉形統於首魄隨形而止焉形氣交而
神主乎其中焉神者人之主也將寐在脾熟寐在腎
將寤在膽正寤在心心居肺膽居肝何也言性者歸

諸天言體者歸諸地地中有天石中有火是以星膽
象之也其倒懸何也草木者地之本體也人與草木
反生是以倒懸也口目橫而耳鼻縱何也動者體橫
植者體縱體必交也故動者宜縱而反橫植者宜橫
而反縱是故陰陽交而天有形剛柔交而地有質仁
義行而人有位東至日所出爲太平南戴日爲丹穴
西至日所入爲太蒙北戴斗極爲崆峒太平之人仁
丹穴之人武人皇氏之世萬物群生連屬其鄉禽獸
成群草木遂長淳風沕穆兄弟九頭分理九州

有窠氏

有窠之民同與禽獸居族與萬物並於是始教民構木爲檜窠夏暑居之穴地爲營窟冬寒居之未知稼穡食草木之食未有火化飲禽獸而茹其毛先取其皮而蔽前後取而蔽後或曰古者禽獸多而人民少於是民皆窠居以避之晝拾橡栗暮栖木上故命之曰有窠之民

燧人氏

天渾渾於上不可測也觀斗之所建則知天之行矣天行所以爲晝夜天行無息也以地故成晝夜日月所以爲寒暑

夏淺冬深春夏夜數少秋冬夜數多天地之交也左旋右行天日

之交也日朝東夕西隨天之行也夏北冬南隨天之交也天一週而超一星應日之行也春卯正夏午正秋酉正冬子正應日之交也極南大暑極北大寒南融北結萬物之死地也夏則日隨斗而北冬則日隨斗而南故天地交而寒往暑來暑往寒來亭毒化育而物乃生人之初生倥侗顛蒙未知五行之用燧人氏上觀星辰握機矩教人出火民未知衣服夏多積薪冬則煬之未知烹炮飲血而茹腥始教之燔炙養人利性遂天之意後世聖人有鎖燧改火之法春以榆柳夏以棗杏季夏以桑柘秋以柞櫟冬以槐檀燧

人氏有四佐焉明由必育成博隕丘贊曰嘗聞邵雍氏問堯夫曰我非羲皇上世之人乎愚考其言猶信雖生末世不及見三墳亦無憾矣

論曰潛心三皇之紀則知太和保合無窮之道無始而有始無終而有終者也是故有鴻荒之時亦猶日之夜月之晦時之冬焉生消升降終而復始於穆天命不已而成四時之造化於皇群聖體是以爲三綱之禮樂事本乎道道藏於事天生人人成天三皇神其體五帝妙其用禹湯文武成其功孔子孟軻傳

其學軻之死雖未得其傳者惟皇上帝降衷於下民若有恒性誰能出不由戶何莫由斯道也當周昭王時西方有傑戎厭苦世累欲求超脫之道遂捐君叛親棄婦入山刻私意窮幻見駕空說曰我能得心法變現萬端出生入死願欲必從而非一世事理之所能嬰也漢明帝時其書始入中國魏晉以上爲其徒有禁逮乎末流樹立典教橫被中華據名山勝地千百爲群談渺茫陳禍福以恐喝愚衆而士大夫爭信鄉之用夷變夏三綱弛絕

人無宰物之情由於此矣可不懼乎夫陰陽剛柔天地之體也體立而變萬物無窮矣人生合天地之道者也故君臣父子夫婦交而萬事生焉酬酢變化妙道精義各有攸止亦無窮已傑我能力索於心而不知天命故其說周羅包括高妙玄微無所不通而其行則背違天地之道淪滅三綱體用分離本末不貫不足以開物成務終爲邪說噫戴天履地冬裘夏葛日作夜息渴飲飢食應其身萬事皆不能與常人殊異獨於君臣之義父子之仁夫婦之禮則掃之除之殄之滅之謂之盡性可乎謂之不失其心可乎是又下於戎狄一等矣中華豪傑天下有大道列聖之所傳授者日新而無窮也豈可冥然爲戎傑邪說所誘化而不自知耶

五帝紀

帝太昊包犧氏

帝太昊風姓成紀人也母曰華胥履大人跡而生太昊太昊生而聖明德合天地圖書出而著草生圖龍圖也出於河書龜書也出於洛著靈草也生於蔡一

根生滿百莖者其下必有神龜守之河圖見九宮洛
 書見五行五居於中右七而左三九在五上右二而
 左四一在五下右六而左八二七六
九五
四三八天一生水地六成
 之地二生火天七成之天三生木地八成之地四生
 金天九成之天五生土地十成之天數二十有五地
 數三十天地之數五十有五二五為一故大衍之數
 五十而其用四十有九玄乎富哉此圖書之文也有
 天之圓焉有地之方焉天地之道起於中焉天道周
 流起一而積六變三而積九地道執方起一而積八
 變四而積十二天函地故圓者利方以為用變其體

而不變其用地函天故方者引圓以為體變其用而
 不變其體八者天地之體也六者天之用也十二者
 地之用也太昊用著三衍而成爻三少為九九老陽
 乾也三多為六六老為陰坤也乾變三女坤變三男
 離肖乾坎肖坤震艮相變巽兌相效而八卦以六變
 立不言之數曰乾坤震巽坎離坤兌消息謂易是故
 卦成于八極于六十四而用止于六十也爻止六重
 為三百八十四而用止于三百六十也是故一年四
 時一時三月一月三十日也天數五地數五五者天
 地之真數也一三五九也二四六也是故爻用九六

而不用七八候氣之法平地於室埋十二律管管上與地平實以葭莩之灰冬至陽氣距地面九寸黃鐘九寸故黃鐘應餘律皆然大古以竹爲管後世以玉爲管始候陽氣以辨五氣以明五音氣始于木木生火火生土土生金金生水水生木相生不窮音起於金金剋木木剋土土剋水水剋火火剋金一律含五音十二律納六十音相生不窮於是始作甲曆甲乙丙丁戊己庚辛壬癸卽十干也子丑寅卯辰巳午未申酉戌亥卽十二支也支干相配爲十二辰六甲而天道周矣歲以是紀而年不亂月以是紀而時不易

晝夜以是紀而人知度東西南北以是定而方不惑夫然故乾居西北納甲與壬坤居西南納乙與癸震東方也納庚巽東南也納辛坎正北納戊離正南納己艮居東北納丙兌在正西納丁度十二律均十二鐘父始之母終之六子經營之而六甲十二辰者二十四卦之祖三十二卦之宗重之爲六十四也兩地而三天數之所起也吉凶之徵也是故乾坤定上下之位坎離別左右之門六戊爲天門六己爲地戶天地之所以閭闔日月之所以出入春夏秋冬晦朔弦望晝夜有長短行度有盈縮五運六氣

一歲五行主運各七十二

日少陰君火太陰濕土少陽相火陽明燥金太陽寒水厥陰風木叠周十二辰假令壬寅年少陽相火司天則在前第四厥陰在泉前一辰少陰君火爲初氣太陰爲二少陽爲三陽明爲四太陽爲五厥陰爲六各六日交驚乎天地之間既萬物矣日隨天而轉月隨日而行星隨月而現天半明半晦日半贏半縮月半盈半虧星半動半靜日月交會謂之辰辰天之體也元氣之節會也日爲天之主月爲日之婦星爲日餘辰爲月餘日爲天之元月爲天之會星爲天之運辰爲天之世元會運世日月星辰迭經而無窮辰至日爲生日至辰爲用順爲用而逆爲生也陽在陰中陽逆行陰在陽中陰逆行陽在陽中陰在陰中則皆順

行

按圖可見

日行陽度則縮行陰度則縮陽主舒長陰主

慘急日入贏度陰從爲陽日入縮度陽從爲陰冬至

之月所行如夏至之日夏至之月所行如冬至之日

夏至之午中陽之極秋分之酉中陰之中凡三百六

十中分之則二至二分相去之數也日紀於星月會

於辰日以遲爲進月以疾爲退日月一會而加半日

減半日是以爲閏餘也朞三百有六旬有六日日之

餘贏也六則月之餘縮也亦六去日月之餘十有二

則三百五十有四乃日行之數一歲之閏六陰六陽

故三年一閏五年再閏

三年三十六日五年六十日

凡十九年閏

分盡爲一章四章爲一部五部周六甲凡三百八十年而曆象小成爰自古先人知其母不知其父卧則喏喏起則于于其行填填其視顛顛無知如草木有欲如禽獸質美者抱其璞情厚者含其真未知三綱五常之倫器用之利帝始推擇天下之賢可與其代天工者得金提鳥鳴視默紀通仲起陽侯以爲輔佐作龍書以代結繩之政制龍官以範徜徉之民教民佃漁以網罟爲器教民婚姻以儷皮爲禮於是夫婦別君親尊臣子順群生和樂有網罟之歌都于宛丘宛丘後爲陳都謂之太昊之墟始有卜筮龜曰卜著

曰筮後世有天下凡有大疑必決之卜筮卜人定龜史定墨君定體天子之龜長尺有二寸諸侯一尺大夫八寸龜有六色六體具八卦五行天地之數神物也天子著長九尺諸侯七尺大夫五尺士三尺孔子曰大人之器威敬天子無筮諸侯有守筮天子道以筮諸侯非其國不筮卜宅寢室天子不卜處太廟教天下豢養六牲馬也牛也鷄也豕也狗也羊也以祭天神以祀地祇以饗人鬼以充庖厨以養聖賢故號曰包犧氏始推五德之運帝出乎震震東方也甲者萬物之始生木德之盛也於是以木德王天下光理

萬物明如日月陰陽和靜鬼神不擾四時得節萬物不傷群生不夭雖有詭智無所用之此之謂至一君主四海之內一百有一十年而魂氣歸于天體魄降于地生民追思其德號曰帝太昊女媧襲據尊位世傳女媧者帝女弟也循帝之跡無所革造始制笙簧號曰女帝

論曰世傳徃古天不兼覆女媧鍊五色石以補天其言雖陋甚推其本旨蓋言女媧以婦人能理男子之事爾乃婦人而有雄才大畧者也後世唐武氏其似之乎此非常之變也

自漢以來不擇天下之才任以爲相寄託宗廟社稷之主而以天下大柄倚仗婦人女子其不生禍亂者亦云幸矣幸也者小人之事非大人之道天下公器不受正命乃欲以小人之道持之豈非不知學之過歟若漢之武帝蜀之昭烈託霍光而寄孔明其於道學槩乎其有聞者矣

女媧死共工氏伯九州自謂水德失五行之叙不能奄有天下虞其湛樂淫失其身欲墜防百川墮高湮痺以害天下皇天弗福庶民弗助禍亂竝興而天下

歸於大庭氏共工氏有子曰勾龍能辨土之所宜以
教兆民後世有天下者祀勾龍以配社

驪連氏

栗陸氏

中央氏

栢皇氏

大庭氏

赫胥氏

赫胥氏之時民居不知所為行不知所舍含哺而嚙
鼓腹而遊

尊盧氏

啓統氏

一作混
沌氏

吳英氏

朱襄氏

葛天氏

葛天之樂三人摻牛尾投足以歌八闋一日載民二
日玄鳥三日遂草木四日奮五穀五日敬天常六日
達帝功七日依地德八日總萬物之極

陰康氏

無懷氏

凡十三氏皆
祖包犧氏

論曰劉道原博極群書以爲古無三皇五帝
三王五伯之數其辨甚悉愚以爲如是稱而
逆理害義雖人謂之聖賢之經猶當改也苟
於理義無傷害雖庸愚之說猶可從也皇帝
王伯雖經不稱其數而雜見於前修之文非
有逆理害義之事也柰何必欲去之乎皇者
初冒天下者也帝者主宰天下者也王者天
下歸往者也自燧人氏而上則三皇之世也
包羲神農黃帝堯舜是五君有先天地開闢
之仁後天地制作之義人至於今受其賜故
孔子曰包羲氏沒神農氏沒黃帝
堯舜氏作按黃帝之後少昊顓頊高辛皆嘗
帝天下矣孔子所以越而遺之必稱堯舜者
以三君居位僅可持其世而已未嘗有制作
貽萬世故也則五帝之名實定矣夏禹商文
武湯爲三王齊桓晉文秦穆宋襄楚莊之爲
五伯其迹詳甚焉可誣也

炎帝神農氏

炎帝神農氏有熊之君少典正如有嶠氏女曰任也
女登所生也少典女登遊于華山之陽有神龍之祥

而生神農長於姜水爲姜姓師爲悉諸學於老龍吉
得河圖圖之真數三而已太極具萬象爲神神生象
象生器器生數是故天六地四天以氣爲質神爲神
地以質爲質氣爲神人得天地日月交之用故四肢
各有脉一脉三部一部五候應天數也神農知天地
之道明於人之性以有天下更無懷氏神農立極先
定乾坤推五德之運以火承木因以紀官號曰烈山
氏亦曰連山氏都于曲阜時人生益庶殫羸蠶之肉
窮草木之滋或傷生而殞命於是神農徧閱百物著
其可食者與其可療治者使民知所用避作爲陶冶

合土范金制斤斧耒耜枷芟槍刈耨耨矛蒲稷禱相
土田燥濕肥磽興農桑之業春耕夏耘秋穫冬藏爲
臺榭而居治其絲麻爲之布帛有子曰柱能治百穀
百蔬與民並耕而食發教於天下使之積粟國富民
安故號曰神農氏又曰伊祁氏伊祁氏始爲蜡蜡也
者合也歲十二月合聚萬物索饗之主先嗇而祭司
嗇焉祭百種以報嗇也嚮農及郵表綴禽獸迎猫爲
其食田鼠迎虎爲其食田豕祭坊與水庸事也曰土
反其宅水歸其壑昆蟲母作草木歸其澤皮弁素服
而祭若送終也野夫黃冠故黃衣黃冠而祭息田夫

也大羅氏草笠而至致鹿與女而詔戒諸侯曰好田
好女者亡其國四方年不順成八蜡不通以謹民財
也順成之方其蜡乃通以移民也既蜡不興功而休
民息已後世王天下者祀柱以配稷有獻羊頭山嘉
禾八穗者乃作穗書以頒時令令曰丈夫丁壯而不
耕天下有受其飢者婦人豐盈而不織天下有受其
寒者神農親耕籍田之禮蓋始此后親織以爲天下先於是
四方之民豐衣足食各執其方物或舉而不用事或
廢而不舉乃命天下日中爲市致天下之民聚天下
之貨交易而退各得其所夙沙氏煮海爲鹽行不用

道其臣箕文諫而殺之神農修德不征夙沙之人以
其君歸命是時也禮草昧而未制樂湮塞而未作燔
黍爲飧捍豚爲俎玄酒大羹汗尊而杯飲蕡桴而土
鼓截葦爲箏繩絲削桐爲五弦之琴詠豐年之歌以
通神明之德合天人之和法省而不煩威厲而不殺
俗樸而不爭不令而人化南至交趾北至幽都東至
暘谷西至三危莫不服從神農居天位百有四年而
歿號曰炎帝伯夷叔齊曰神農之有天下也時祀盡
敬而不祈禱其於人也忠信盡治而無求焉樂與政
爲政樂與治爲治不以人之壞自成也不以人之卑

皇王紀卷第一
自高也不以遭時自利也此真吾所謂道也

帝臨魁在位八十年

帝承在位六十年

帝明在位四十九年

帝直在位四十五年

帝來在位四十八年

帝哀在位四十三年

帝榆岡在位五十五年

皇王大紀卷第一畢

